

# Urnietako ereserkia

1999. urtean sorturiko ereserkia da, eta letra Aitor Mendiluzek sortu zuen, Iñigo Peñaren musikarekin. Ereserkia Urnietaren historiako gertakizunen laburpena da:

Adarraren babes goxo pean  
Dagoen herri eder berezia,  
Euskadiren historian zehar  
Hainbat unerren testigu bizia,  
Iragana garrantzitsua dauka  
Etorkizuna ongi merezia,  
Geroaren bila doan herri bat da  
Gure altxor nagusia.

Kale eta baserri,  
Bere soineko ongi eratua,  
Inguruko mendiek  
Jantzi eta mugatua,  
Bere izena eta izana  
Bere herritarrekin edertua.  
Gora Urnieta!  
Gora Urnieta!  
Gure ametsen bizilekua!

Herria erre zuen  
Behin karlisten gerrak,  
Bi urtez hustu zuen  
Egindako okerrak.  
Baina urnietarrak  
Ez ziren alferrak,  
Orain bizirik dago herritar  
Zintzo haiei eskerrak.

Herritarren lanak jaso zuen  
Berriro gure Urnieta kuttuna,  
Denborarekin bihurtu dena  
Gaur egun guk  
Ezagutzen duguna,  
Eta denborak aldatuta ere  
Gurea da bere etorkizuna  
Gure barruan gorderik dugulako  
Bere herri nortasuna.

Kale eta baserri,  
Bere soineko ongi eratua,  
Inguruko mendiek  
Jantzi eta mugatua,  
Bere izena eta izana  
Bere herritarrekin edertua.  
Gora Urnieta!  
Gora Urnieta!  
Gure ametsen bizilekua!